

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-7509-6/21

Datum: 17.01.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za nabavku zaštitnih maski za potrebe Uprave policije, imenovane Rješenjem broj: 02/5-1-30-1-6847 od 11.10.2021. godine, u postupku javne nabavke zaštitnih maski, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUDAČA I DODJELI OKVIRNOG SPORAZUMA

I

Prihvata se preporuka Komisije za nabavku zaštitnih maski i okvirni sporazum za javnu nabavku zaštitnih maski za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- R&S d.o.o. Sarajevo za ponuđenu cijenu od 6.110,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču R&S d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tački 12. tenderske dokumentacije, a koje se odnose na član 45. stav 2. tačka od a) do d). Izabrani ponuđač je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav 1. tačka a), čime se oslobađa obaveze naknadnog dostavljanja istih.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-7509/21 od 09.11.2021. godine i Obavještenja o nabavci broj: 16475-7-1-70-3-109/21 od 18.11.2021. godine, proveden je postupak javne nabavke putem konkurentskog zahtjeva za dostavu ponuda za zaštitne maske za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-7509/21 od 06.12.2021. godine, za aktivno učešće u postupku dostavljene su ponude ponuđača Semikem d.o.o. Sarajevo, R&S d.o.o. Sarajevo, Krajina Group d.o.o. Banja Luka, Medical Protect d.o.o. Banja Luka, Bauerfeind d.o.o. Sarajevo i Defter d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-7509-5/21 od 12.01.2022. godine, kojim je utvrdila slijedeće:

- da u ponudi ponuđača Krajina Group d.o.o. Banja Luka uzorak nije dostavljen u skladu sa tačkom 13.3. tenderske dokumentacije.

Dostavljeni uzorak je upakovan u papirnu kovertu, koja nije čvrsto uvezana sa ostatkom ponude jemstvenikom.

U skladu sa naprijed navedenim, ponuda ponuđača Krajina Group d.o.o. Banja Luka nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponude ponuđača Semikem d.o.o. Sarajevo, R&S d.o.o. Sarajevo, Medical Protect d.o.o. Banja Luka, Bauerfeind d.o.o. Sarajevo i Defter d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

U skladu sa odredbama člana 66. stav 1. Zakona o javnim nabavkama i člana 17. stav 7. Uputstva za pripremu modela tenderske dokumentacije i ponuda, zahtjev za obrazloženje ponudene cijene upućen je ponuđaču R&S d.o.o. Sarajevo iz razloga što je dostavljena ponuda znatno niža od procijenjene vrijednosti predmetne nabavke, te za više od 50% niža od prosječne cijene preostalih prihvatljivih ponuda.

U skladu sa odredbama člana 66. stav 1. Zakona o javnim nabavkama, zahtjev za obrazloženje ponudene cijene upućen je i ponuđaču Medical Protect d.o.o. Banja Luka iz razloga što je dostavljena ponuda znatno niža od procijenjene vrijednosti predmetne nabavke.

Ponuđači R&S d.o.o. Sarajevo i Medical Protect d.o.o. Banja Luka su dostavili obrazloženje ponudene cijene. Komisija je utvrdila da su oba ponuđača dostavila osnovano obrazloženje ponudene cijene i prihvatila dostavljena obrazloženja, te utvrdila da nema razloga za odbijanje ponuda zbog neprirodno niskih cijena.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 31.12.2021. godine sa početkom u 11.30 sati.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- R&S d.o.o. Sarajevo sa konačnom ukupnom cijenom ponude u iznosu od 6.110,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x6
3. Odjeljenju za odnose s javnošću, radi objave na web stranici ovog organa
4. a/a